



Ils collavuratuors dal Center Ladin a Zernez sun cuntaints cha tuot quista gliued es gnida.

Scrivere e promuovere che que vegna scrit

Surdo ils premis da la concorrenza «Pledpierla»

■ (anr/lw) Per la tschinchevla vouta es gnida organisada la concorrenza da scriver per iffaunts e giuvenils «Pledpierla». In sanda passada sun gnies surdos ils premis. Ün dals prüms premis ho survgnieu üna matta chi viva in Engiadina pür daspö 2 ans e mez, l'oter üna matta da Schlarigna. La classifica ziun pels desch meglers texts inoltros per la concorrenza «Pledpierla» es gnida deda cuntshainta in occasiun dal di da la portas aviertas, al quel il Center Ladin a Zernez vaiva invido. Per *Mariachatrina Gisep Hofmann* da la cumischium litterara da l'Uniun dals Grischs es que a listess mumaint sto «il punct culminant dal di», scu ch'ella ho dit. Cha inoltro sajan gnies 194 texts, 127 dad els illa seguonda categoria (scolaras e scolars da la 7avela fin 9evla classa). Cha cun que saja la partecipaziun ün pô pü pitschna cu oters ans (2004: 240 texts), ch'ella spera però cha'l numer s'augmanta darcho. E *Mariachatrina Gisep Hofmann* ho intimo taunt a las giuvnas scripturas ed als giuvenis scriptuors cu eir als magisters da scriver respectivmaing da promover cha que vegna scrit.

Il prüm premi da la prüma categoria (quarta fin sesevla classa) ho survgnieu *Liliana Patricia Freitos Fernandes*, üna matta portugaisa chi viva e frequainta la scoula a Scuol daspö duos ans e mez – per *Mariachatrina Gisep Hofmann* üna cumprouva cha esters sun sainz'oter buns da s'integrer. In ün text, intitulo cun «Esser in ün oter pajais» descriva *Liliana Patricia Freitos Fernandes* in ün möd tuottafat natürel e simpel e forsa perque eir commovent cu ch'ella as sentiva esclusa e suletta al principi cur ch'ella d'eira gnida cò dal Portugal.

La victura da la seguonda categoria es *Seraina Spirig* da Schlarigna. Cun bger umor ed ironia descriva ella «Ün di illa vita d'üna giuvna» chi – povretta; e tuots dian cha la giuventüna saja il temp il pü bel da la vita! – ho finelmaing «ün date» cun ün giuvnot, e precis uossa voul mamma la «stricher la sortida» per vi da prestaziuns insufficiantas in istorgia.

Remarchabel es dal rest eir il text da *Yannic Gross* da Tschier chi ho survgnieu il terz premi da la seguonda ca-

tegoria. El porta il titul «Quist am dà da pensar» e tematisescha süin basa da la cuntraversa in connex cun las caricaturas dal profet Mohammed la situaziun actuela da la politica mundiela.

Üngüns premis – ma duos premis d'incuraschamaint – sun gnies surdos illa terza categoria (giuvenils). Cha dals dusesch texts inoltros in quista categoria nun hegia üngün propi satisfat dal tuot, ho spiego *Mariachatrina Gisep Hofmann*. Eir a la gliued giuvna da quell'eted ho ella però intimo da scriver inavaunt.

La prosma concorrenza «Pledpierla» ho lö in duos ans.


Classificaziun:

Categoria 1 (4. – 6. cl.): 1. *Liliana Patricia Freitos Fernandes*, Scuol; 2. *Christiana Caratsch*, S-chanf; 3. *Delia Krüger*, Ciuuos-chel; 4. *Cla Fadri Gaudenz*, Lavin; 5. *Anita Denoth*, Lavin; 6. *Barbara Marugg*, Scuol; 7. *Gabriela Fries*, Scuol; 8. *Anja Caviezel*, Scuol; 9. *Silvano Stecher*, Scuol; 10. *Corina Conrad*, Müstair.
 Categoria 2 (7. – 9. cl.): 1. *Seraina Spirig*, Schlarigna; 2. *Selina Taisch*, Schlarigna; 3. *Yannic Gross*, Tschier; 4. *Flurina Caratsch*, S-chanf; 5. *Kristina Cvikusic*, S-chanf; 6. *Alessia Predrocchi*, S-chanf; 7. *Silva Lasser*, Scuol; 8. *Lia Flury*, Scuol; 9. *Gianna Könz*, Vnä; 10. *Daniela Peer*, Ftan.



Eir l'aspet creativ es gnieu cultivo: Minchün ho pudieu pittüerer sias «culuors rumantschas».

FOTOS: L. WALTHER



Las victuras da la prüma categoria: *Delia Krüger*, *Liliana Patricia Freitos Fernandes* e *Christiana Caratsch* (da schnestra)...



... e da la seguonda categoria: *Yannic Gross*, *Seraina Spirig* e *Selina Taisch* (da schnestra).

■ CLOSTRA MÜSTAIR

Entusiasmar a proprietaris da seguondas abitaziuns


(anr) D'incuort ha la Società dals Amis da la Clostra San Jon a Müstair invidà als proprietaris da chasas da vacanzas e da seguondas abitaziuns in Val Müstair per dar ün cuc davo las culissas da la clausura. Sco chi resorta d'üna comunicaziun da pressa ha spiegà in quist'ocasiun *Jürg Goll*, il responsabel per la coordinaziun da las lavuors da fabrica e da restoraziun, l'istorgia da l'architettura dal patrimoni cultural. Surtuot ha'l preschantà ils progets chi s'ha pudü realisar grazia a l'ajüid da la società



ziun da la sacristia e la restoraziun da la fatschada e da l'entrada da la tuor meridiunala.

Ün dals böts da la società esa da render attent a la clostra ils proprietaris da seguondas abitaziuns tant in Val Müstair co eir in Engiadina e da'ls intimar da s'impegnar per ella. Fin uossa es quai gratià. La società cumpiglia hoz fingià passa 350 commembras e commembers. Las contribuziuns dals commembers vegnan dovradas per la restoraziun da la baselgia e per

reclama



Shorley – für natürlich frische Energie

Shorley ist die Mischung von 60% Schweizer Apfelsaft mit 40% natürlichem Mineralwasser.

